

13

## Samichlaus, du liebe Ma

Bernadette Rickenbacher-Moos



1. Sa mi - chlaus, du lie - be Ma. End - li bisch du da.
2. Hei, hesch du e gros-se Sack! Was chönnt drin - ne si?
3. Sa - mi - chlaus, du lie - be Ma. Du machsch mich so froh.



Du weisch gar nid, wie ich fescht uf dich plan - ged ha.  
 Ö - pfel, Bi - re und vill Nüss für d'Chin - de gross und chli.  
 Gäll du wirsch im nächsch - te Jahr wie - der zu üs cho.



14

## Ich ghööre Schritt

Ich ghööre Schritt vom Waldrand her,  
 e Schtimm rüeft luut: "J-aa!"  
 Juhui, ich ha's doch sofort dänkt:  
 De Samichlaus isch da.  
 Grüezi wohl, du liebe Ma,  
 mier sind so schüli froh,  
 dass du uf dim wiite Wäg  
 au zu üs bisch cho.  
 All Jahr tuesch a üs Chinde danke  
 und üs Nüss und Öpfel schänke.  
 Drum wüssed all vo nah und färn:  
 De Samichlaus hed d'Chinde gärn.